

四庫全書

子部

欽定四庫全書

子部
玉海卷一百二十一

詳校官中書臣張經田

主事臣祁韻士覆勘

總校官進士臣朱銓

校對官主事臣陳文樞

騰錄監生臣蔣予琳

欽定四庫全書

玉海卷一百二十一

宋 王應麟 撰

官制

臺省

漢書舊名禁中避元后諱改名省中師古曰省察也
言入此中者皆當察視不可妄也 說文臺觀四
方而高者也

歷代三省 三省屬官

門下省 門下省後漢謂之侍中寺

熹平六年改侍中寺

晉志曰

給事黃門侍郎侍中俱管門下衆務或謂門下省 唐

龍朔二年改門下省為東臺咸亨初復舊武后光宅初

改為鸞臺開元元年改為黃門省至五年復舊 侍中

晉志曰侍中案黃帝時風后為侍中於周為常伯之任

應劭曰侍中周官也

秦為侍中本丞相史也漢為加官

秦漢無定員

冠

武弁大冠

亦曰惠文冠

加金璫附蟬為文貂尾為飾

漢谷永對曰昔

龍筦納言而帝命惟允四輔既備成王靡有過事誠教正左右齋粟之臣戴金貂之飾執常伯之職者皆使學先王之道知君臣之義羣寮仰法也

魏晉選用稍增華重後周初有御伯

中大夫二人掌出入侍從保定四年改為納言斯侍中之職也唐初為納言武德四年改為侍中龍朔二年改為左相光宅元年改為納言開元元年又改黃門監五年復為侍中天寶元年改為左相至德初復為侍中按令文掌侍從獻替贊相禮儀審覆奏抄駁正違失監起

居注總判省事

晉任愷魏舒山濤嵇紹王坦之唐劉洎王珪魏徵元忠馬燧宋璟郝處俊高儉魏

知古門下侍郎秦有黃門侍郎漢因之凡禁門黃闥故號

黃門其官給事於黃門之內故曰黃門侍郎魏晉以來

並為侍衛之官唐龍朔二年改黃門侍郎為東臺侍郎

光宅初改鸞臺侍郎神龍初復舊天寶元年改為門下

侍郎員二人掌侍從駁正違失通判省事

黃門侍郎魏杜恕任蝦晉

稽紹張華

給事中加官也秦置漢因之所加或大夫博士

議郎掌顧問應對東京省魏復置晉無常員

任熙袁準隋初

無至開皇六年始置吏部給事郎煬帝乃移吏部給事

郎為門下之職員四人以省讀奏案唐武德三年改為給事中龍朔二年改為東臺舍人咸亨元年復舊前代雖有給事中之名非今任也今之給事中蓋因其名用

隋之職 散騎常侍秦置漢因之並加官魏文帝用孟

達為之

魏蔣濟衛臻高堂隆何晏晉鄭默阮孚華嶠傅玄王珣譙周

諫議大夫秦

置掌議論無常員二漢並屬光祿勳後周地官府有保氏規諫天子蓋此其任也隋亦曰諫議大夫置七人屬門下省煬帝廢之唐武德五年復置屬門下省凡四人

掌侍從規諷 起居郎舍人周官有左右史記其言事
蓋今起居之本漢武帝有禁中起居注後漢馬皇后撰
明帝起居注則漢起居似在禁中為女史之任自魏至
晉起居注則著作掌之北齊有起居省後周有內史掌
書王言及動作之事以為國志隋以納言統之至煬帝
以為古有內史今著作如外史矣宜置起居官以掌其
內乃於內史置起居舍人二員唐貞觀二年省於門下
省置起居郎二人顯慶中復置遂與起居郎分掌左右

龍朔三年改為左右史神龍初復舊每皇帝御殿則對立於殿有命則臨軒俯聽退而書之以為起居注史館得之以撰述焉

中書省中書之官舊矣謂之中書省自魏晉始焉梁陳時凡國之政事並由中書省後魏謂之西臺隋初改為內史省唐武德三年復中書省龍朔二年改為西臺光宅元年改為鳳閣神龍初復舊開元元年改為紫微省五年復舊 中書令舜攝位命龍作納言出入帝命周

官內史掌王之八柄爵祿廢置生殺與奪執國法及國令之貳以考政事蓋今中書之任其所置中書之名因漢武游宴後庭始宦者典事尚書謂之中書謁者置令僕射元帝時恭顯秉勢用事蕭望之以為中書政本宜以賢明充選更置士人自武帝改用宦者掌出入奏事非舊制也成帝建始四年改中謁者令更以士人為之皆屬少府魏文帝黃初初改為中書令又置監

魏黃初初改祕

書為中書以劉放為監孫資為令掌機密

及明帝時中書監令號為專任其

權重矣晉因之

張華為監裴楷為令和嶠為令荀勗為監王獻之洽溫嶠為令王沈張華華表

顧榮庾亮王濬劉琰王濟為郎

自魏晉以來中書監令掌贊詔命記會

時事典作文書以其地在樞近多承寵任是以人固其位謂之鳳皇池焉唐武德初為內史令三年改為中書令龍朔二年改為右相光宅二年又為內史神龍元年復舊開元元年改為紫微令五年復為中書令天寶元年復為右相按令文掌侍從獻替制敕冊命敷奏文表監起居注總判省事中書侍郎漢置中書領尚書事

有丞郎魏初中書既置監令又置通事郎掌詔章後改

為中書侍郎

晉王基羊祜李重
范甯殷康王濛

隋初為內史侍郎唐初

因之武德三年改為中書侍郎龍朔以後隨省改號而

侍郎之名不易員二人掌侍從獻替制敕冊命敷奏文

表通判省事中書舍人魏置中書通事舍人晉江左

謂之通事舍人

晉劉超徐邀宋鮑照
梁裴子野北齊魏收

武冠絳服掌呈奏

案章後省之而以侍郎一人直西省

晉孝武以來常居
內殿武官主書於

中通呈以省官一人司詔
位在西省因謂之西省郎

即侍郎兼其職而掌其詔

命齊永平初置中書通事舍人四員各住一省時謂之
四戶權傾天下梁用人殊重專簡才能不限資地後除
通事直日中書舍人專掌詔誥自是詔誥之任舍人專
之隋內史舍人八員專掌詔誥唐初為內史舍人武德
三年改為中書舍人置六員龍朔以後隨省改號而舍
人之名不易專掌詔誥侍從書勅宣旨勞問分判省事
自永淳以來天下文章道盛臺閣髦彥無不以文章達
故中書舍人為文士之極任朝廷之盛選

梁陳五人分
掌二十一局

事

尚書省昔堯試舜於大麓領錄天下似其任也周之司

會又其職焉漢成帝罷中書宦者置尚書五人然其任

猶輕至後漢則為優重

唐六典秦置尚書禁中有令丞掌通章奏而已事皆決丞相府

漢武宣後稍委任光武親總吏職天下事皆上尚書與人主參決乃下三府

出納王命敷奏

萬機蓋政令之所由宣選舉之所由定罪賞之所由正

斯乃文昌之府衆務淵藪故李固云陛下之有尚書猶

天之有北斗斗為天喉舌尚書亦為陛下喉舌斗斟酌

元氣運平四時尚書出納王命賦政四海令及左丞總領綱紀無所不統僕射及右丞分領錢穀二漢皆屬少

府

詳見少府屬官

自魏晉重中書之官尚書之職日以疎遠至

梁陳舉國機要悉在中書獻納之任又歸門下尚書但聽命受事而已後周無隋唐皆有制畧同凡尚書省事無不總龍朔二年改為尚書省為中臺光宅初改為文昌臺垂拱元年又改為都臺長安三年又改為中臺神龍初復為尚書省都堂居中左右分司都堂之東有吏

部戶部禮部三行每行四司左司統之都堂之西有兵部刑部工部三行每行四司右司統之凡二十四司分曹共理而天下之事盡矣 尚書令商制有冢宰為天

官六卿總屬焉秦置尚書漢因之後漢眾務悉歸尚書

三公但受成而已尚書令主總領綱紀事無不統與司隸中丞朝會專席而坐號曰三獨坐魏晉以下任總機

衡事無大小咸歸令僕

令晉樂廣王戎裴秀荀勗王彪之衛瓘卞壺刁協謝石王述蜀

蔣琬費禕

左丞漢黃香楊喬晉卻詵孔坦梁徐勉賀琛右丞漢楊喬晉傅咸

隋亦總領眾務

唐武德初太宗為秦王時嘗為之其後人臣莫敢當故

自龍朔二年

二月七日

制廢尚書令

舊尚書令有大廳當省之中今謂之都堂

僕射秦官漢因之成帝初置尚書五人以一人為僕射
後漢尚書僕射一人書尚書事經魏至晉省置無常隋
開皇三年詔左右僕射從二品左掌判吏部兵部禮部
三尚書右掌判都官度支工部三尚書唐左右僕射因
前代本副尚書令自令廢二僕射則為宰相武后改二
僕射為文昌左右相神龍初復舊開元元年改為左右

丞相天寶元年復唐六典後漢以令僕射六曹尚書

為八座魏氏省為五曹則僕射有二若僕射省一則尚

書有六今以二丞相六尚書為八座

後漢尚書稱臺魏晉已來為省唐

貞觀十年治書侍御史劉洎言尚書萬機本八座比於

文昌二丞方於管轄爰至曹郎上應列宿中書令張

說擇丞轄以王

唐左僕射

裴寂房玄齡于志寧

右僕射

裴寂蕭瑀杜如晦李

靖溫彥博高

左丞

戴胄王丘韋弘景仁約席豫顏真卿崔從

右丞

魏徵宇文節齊澣韋

溫思謙杜正倫

劉洎庾承宣

西漢中書之權重東漢尚書之權重至魏中書重尚書

漸輕 政歸尚書漢事也歸中書魏事也元魏時歸門
下世謂侍中黃門為小宰相後世相承並號三省 隋
大業三年四月壬辰以中書省與尚書門下內史祕書
為五省增謁者司諫臺與御史為三臺分太府寺置少
府監與長秋國子將作都水為五監 唐代宗以前中
書在上憲宗以後門下在上 楊收曰漢制總羣官而
聽曰省分務而專治曰寺

漢御史臺 二臺 三臺 蘭臺 今史五曹

隋監察御史

古者有御史之名見於周官中士下士為之特小國傳

命令者

掌贊書
授法令

至戰國其職益親故獻書多云獻書於

大王御史澠池之會

秦趙

各命御史書事淳于髡曰御史

在前執法在後

皆記事
之職

至秦人主自親事以操制臣下

侍御僕從其勢益重而御史大夫遂與丞相分權矣

通典

云秦漢為
糾察之任

表御史有兩丞一曰中丞在殿中蘭臺掌圖籍祕書外

督部刺史內領侍御史十五人受公卿奏事舉劾按章
元壽二年更名御史長史 續志中丞一人御史大夫
之丞也舊別監御史在殿中察舉非法及大夫轉為司
空因別留中為御史臺率後又屬少府注蔡質漢儀中
丞故二千石為之或選侍御史高第執憲中司朝會獨
坐內掌蘭臺督諸州刺史糾察百僚出為二千石 高
紀十一年二月詔御史中執法下郡守注晉灼曰中丞
也 陳咸傳為中丞總領州郡奏事課第諸刺史內執

法殿中 薛宣傳數舉奏部刺史郡國二千石執憲轂

下不吐剛茹柔 趙后傳詔記盛綠縹方底封御史中

丞印 于定國傳中丞從事 周禮注小宰若今御史

中丞 漢舊儀中丞督司隸 後傳宣秉建武元年拜

中丞特詔與司隸校尉尚書令三司各專席而坐號三

獨坐 趙禮馮緄周紆樊準馬嚴為中丞 周紆傳中丞
典司京輦

韋昭曰居殿
中故曰中丞

志治書侍御史二人六百石 表御史治書
者有印綬 選明法律者

為之凡天下讞疑事掌以法律當其是非注蔡質漢儀
曰選御史高第補之胡廣曰宣帝齋居決事令侍御史
二人治書御史起此冠法冠秩百石與符節郎共平廷

尉奏事

銅印
青綾

嚴延年傳注天子欲有拜召持書

一作
治書

御史發符下太尉 來歷傳有持書侍御史龔調 通

典中丞舊持書侍御史也云云魏置治持書執法梁天監

初始重其選車前依尚書二丞給三騶執盛印青囊唐

永徽初改為中丞

隋改中丞為
治書侍御史

志侍御史十五人六百石掌察舉非法受公卿羣吏奏
事有違失舉劾之凡郊廟祠及大朝會封拜則一人監
威儀有違失劾奏 和帝紀注十三州志侍御史周官
即柱下史秩六百石掌記注言行糾諸不法員十五人
出有所案則稱使者 張蒼傳秦時為柱下御史 漢
官儀冠以鐵為柱漢儀注衣絳給事殿中宿廬在石渠
門外 列傳嚴延年劾霍光 張湯兒寬杜林杜詩張
綱朱穆王景王渙王允桓典陳翔何敞楊秉 晉志侍

御史漢所掌有五曹曰令曹掌律令印曹掌刻印供曹
掌齋祀尉馬曹掌廐馬乘曹掌護駕豹尾之內便為禁

省 通典周柱下史秦改為侍御史冠法冠一名柱後

惠文後漢皆公府掾屬高第為之

恭質漢儀云初稱守
滿歲拜真出治劇為

刺史二十石平選補令見中
丞執板揖 寒明以謁者守

魏置八人所掌凡八部有

持曹課第曹餘則史闕云晉置九人所掌十三曹吏課

第直事印中都督外都督媒符節水中壘營軍法算

東晉

初省課第曹置庫曹分為外
右內左庫曹宋置十八人

表侍御史有繡衣直指出討姦猾治大獄武帝所制不

常置

天漢二年遣直指使者衣繡衣持斧 元始四年
燕玄為繡衣使者持節 趙充國傳遣繡衣來責

將軍

伏湛王莽

時為繡衣執法 通典直指而行無私也衣以繡者

尊寵之也江充拜直指繡衣使督三輔盜賊禁察踰侈

又王賀武帝時為繡衣御史暴勝之亦為之後漢譙玄

為繡衣御史持節分行天下觀覽風俗沈約云繡衣御

史光武省順帝復置魏罷之

表御史員三十人無印綬監御史秦官掌監郡漢省

唐六典惠帝三年相國奏御史監三輔不法事凡九條

時未置三輔

蓋追書之

蕭望之傳御史有令不得擅便 監軍

御史胡建傳

督軍御史見後

符璽御史

成堯傳表尚符璽

者有印綬

永初二年遣侍御史龐雄督諸郡兵明年遣中

丞王宗持節發兵順帝以中丞馮緄持節督揚州軍事

志蘭臺令史六百石掌奏及印工文書

漢官儀六人秩百石掌書勅奏

班固班超傳

毅李尤孔僂

漢儀注御史大夫史員四十五人皆

六百石其十五人給事殿中餘三十人留寺治百事皆

冠法冠 御史大夫掾

嚴延年
兒寬

主簿

孫實

御史屬

公孫
益壽

谷永匡衡傳御史百石屬諸
葛豐孫實薛廣德蕭望之

少史

蕭望之使少
史冠法冠

通典所

居之署漢謂之御史府亦謂御史大夫寺後漢謂之御

史臺亦謂之蘭臺寺趙岐生於御史臺字臺卿漢官儀

廷尉按責上御史臺謝靈運晉書曰漢尚書為中臺御

史為憲臺謁者為外臺是曰三臺蔡邕以侍御史轉持

書御史遷尚書三日之間周遷三臺

安帝親政陳忠言
注 成翊世新蒙

表錄顯列三臺注謂

為侍御史尚書郎

六典注漢名御史府後漢曰憲

臺魏晉宋齊曰蘭臺梁陳後魏北齊隋皆曰御史臺

漢舊

儀御史大夫寺
在司馬門內

崔篆御史箴簡上霜飛筆端風起

傅咸御史中丞箴煌煌天文宿星是環爰立執法其輝
有煥執憲之綱秉國之憲鷹揚虎視肅清遲慢蹇蹇匪
躬是曰王臣既直其道奚顧其身 北齊司馬子瑞云
秦興鐵柱漢制繡衣簪白筆以繩違馭驄馬而明目

隋志梁建御史臺置大夫 通典晉大元中始置檢校

御史

吳混之
為之

掌行馬外事後魏太和末亦置十二人隋

開皇二年改為監察御史凡十二人

蓋取秦監郡御史以名官

大業

三年增十六員唐十員裏行五員裏行始自馬周以布

衣令於監察御史裏行遂有此名高宗龍朔元年八月

王立本為之

會要裏行之名始於龍朔六典舊志云始於馬周貞觀初

漢張忠為大

夫以孫寶為主簿隋大業三年御史臺始置主簿二人

唐置一員貞觀中張弘濟為之遂為美職

李延壽為主簿

漢御史乘屬

乘曹見前

武紀元封元年春正月詔曰翌日親登崇嵩御史乘屬

在廟傍吏卒聞呼萬歲者三注如淳曰漢儀注御史亦有屬晉灼曰天子出御史除一人為乘曹護車馬師古

曰如晉二說是

御史屬公孫益壽諫邪
連環兵權為侍御史

晉散騎省 宋集書省

通典漢散騎有常侍侍郎與侍中黃門侍郎後漢省散

騎而中常侍改用宦者魏文帝黃初初

一云延康中

晉散騎

合於中常侍謂之散騎常侍後用士人始以孟達補之

久次者為祭酒散騎常侍掌規諫不典事

應璩蔣濟何晏衛臻徐宣

又有員外晉泰始中十年令員外散騎常侍二人與散騎

常侍通員直因曰通直散騎常侍亦武冠右貂金蟬絳

服佩水蒼玉雖隸門下而別為一省潘岳兼虎賁中郎將寓直散騎省

自魏至晉共平尚書奏事東晉乃罷之而以中書職入

散騎省故散騎亦掌表詔焉卻詵阮孚鄭默傅玄華嶠皆為散騎常侍吳隱之為

員外常侍領大著作宋置四人屬集書省齊散騎侍郎通直散騎

侍郎員外散騎侍郎侍郎魏鍾繇應璩劉劭荀顛晉王悅洽徐邈並為集書

省職而散騎常侍為東省官梁謂之散騎省天監六年

詔又革之

賀琛為常侍

後魏北齊皆為集書省掌諷議左右

從容獻納領諸散騎常侍侍郎及諫議大夫給事中等

官兼以出納王命位在中書之右唐貞觀二年制散騎

常侍為散官從三品後悉省十七年復置為職事官始

以劉洎為之

七月四日

其後定制置四員屬門下掌侍從規

諫顯慶二年

十二月二十八日

遷二員隸中書遂分為左右龍

朔二年改侍極咸亨元年復舊

李百藥褚亮于志寧孔穎達

左徐堅褚無

量魏知古馬懷素崔沔崔元亮歸崇敬柳冲

右

元行冲王丘柳公權賈隱林

員外散騎侍

郎

虞世南
張後裔

廣德二年五月升常侍正五品

大和五年左
常侍崔元亮

與諸官十

四人伏奏

晉泰始二年二月庚午詔保氏持以諫爭為職今侍中
常侍實處此位擇能正色弼違者兼之九月乙未散騎
常侍皇甫陶傳玄領諫官上書諫

晉都水臺

唐六典注晉置都水臺都水使者一人掌舟楫之事官
品第四又有左右前後中五水衡

戴熊陳謹以都水
使者領水衡都尉

宋

孝武省都水臺置水衡令齊復置都水臺使者一人梁
天監七年改大舟卿為冬卿班第九隋開皇三年省都
水入司農十三年復置

仁壽改為監場
帝復為使者

宋華林學省

宋書孝武使祖冲之直華林學省

梁壽光省

梁書任孝恭入西省撰史直壽光省為司文侍郎 岑
之敬為壽光學士司義郎 周興嗣直華林省進直文

德壽光省直西省 沈峻孔子祛補西省學士 皇侃
召入壽光殿說禮記義 袁峻直文德學士省 賀革
於永福省為三王講禮 江子一直華林省 簡文開
文德省置學士庾信等充其選

陳永定三年閏四月甲午詔依前代置西省學士兼取
伎術士

隋五省 又見上

志開皇元年依前代 漢魏之舊置三師三公及尚書門下

內史祕書內侍五省御史都水二臺及十一寺十二府

又十一等勳官七等散官

通典大業三年始行新令有三臺五省

五監十二衛十六府 宋齊有三臺五省之號

五省謂尚

書中書門下祕書集書省

梁以尚書中書門下祕書集書為

五省

唐尚書省

詳見三省

中臺文昌臺都省 六部

百官志唐因隋制以三省之長中書令侍中尚書令共

議國政此宰相之職也其後太宗嘗為尚書令

武德元年六月

甲戌太
宗為令

臣下避不敢居其職由是僕射為尚書省長官

與侍中中書令號為宰相 尚書令一人掌典領百官

晉摯虞有
尚書令箴

其屬有六尚書吏戶禮兵刑工吏兵為前行

刑戶為中行工禮為後行行總四司以本行為頭司餘

為子司上之逮下其制六一曰制二曰勅三曰冊天子

用之四曰令皇太子用之五曰教親王公用之六曰符

省下於州州下於縣縣下於鄉下達之上其制有六表

狀牋啟辭牒諸司相質其制三關刺移凡符移關牒必

遣於都省乃下天下大事不決者皆上尚書省凡制勅

計奏之數省符宣告之節以歲終為斷龍朔二年

二月四日

改尚書省曰中臺廢尚書令

六典尚書令太宗嘗親其職自是闕不復置其用政

皆委中書八座之官但受其成事而已

會要龍朔二

年二月十日廢尚書令廣德元年七月十一日德宗為
雍王以為大勳特拜至建中二年十
二月三日乙丑除郭子儀懇辭而罷尚書曰大常伯侍

郎曰少常伯

咸亨元年十二月二十三日改尚書省

光宅元年

九月五日

改尚

書省曰文昌臺俄曰文昌都省垂拱元年

二月二日

曰都臺

長安二年曰中臺

會要三年閏四月十九日改神龍元
年二月四日復承天門街之東西

第四橫街之北從西第一尚書省門額本審宗書開元
初進入內後右庶子魏華所頓省內當中有都堂本尚
書令廳事堂之東吏部戶部禮部三行每行四司左司
統之都堂之西兵部刑部工部三行右司統之二十四
司左右丞相統領其事舊說吏部為省眼禮部為南宮
瑞錦窠舍人考功度支為振行比部得廊下食以飯從
者號比盤二十四曹
呼左右司為都公
左右僕射各一人掌統理六官為

令之貳令缺則總省事

武德元年六月甲戌初以裴寂為右僕射知政事貞觀三年二

月戊寅房左杜右

龍朔二年

二月四日

改左右僕射為左右匡政光

宅元年

九月四日

曰文昌左右相開元元年

十二月一日

曰左右

丞相天寶元年

二月十日

復

詳見前三省

左右丞各一人掌辨

六官之儀

紐有條之綱
柅方動之輪

吏部戶部禮部左丞總馬兵刑

工右丞總馬

太宗命戴胄親徵杜正倫劉洎
繼領是職分居左右官條事理

郎中各一

人員外郎各一人貞觀元年復置左右司郎中龍朔元

年

會要二年
二月四日

改左右丞曰肅機郎中曰承務咸亨元年

復

左司武元衡白敏中莫陟柳渙蔣
將明右司韋思謙呂元膺崔從

都事各六人主事

各六人 吏部尚書一人侍郎二人郎中二人員外郎

二人

下同

掌文選勳封考課之政以三銓之法官天下之

材以身言書判德行材用勞効較其優劣而定其留放

為之注擬 晉傅玄有吏部尚書箴 唐劉昺天官舊事一卷 其屬有四一吏部

二司封三司勳四考功 武德五年改選部為吏部貞觀二年復置龍朔元年改曰司列

光宅元年曰天官天寶十一載三月二十七日曰文部至德二載十二月十五日復舊 吏部郎

中掌文官階品朝集祿賜員外郎二人一人判南曹為

尚書侍郎之貳凡文官九品有正有從四品以下有上

下為三十等文散階二十九從一品曰開府儀同 開元儀同

四人姚崇宋璟 王同皎毛仲 正二品特進 貞觀蕭瑀魏徵 從光祿正三品金

紫從銀青正四品上正議大夫正四品下通議從四品

上太中從四品下中大夫正五品上中散正五品下朝

議從五品上朝請從五品下朝散

已上皆大夫

正六品上朝

議郎正六品下承議從六品上奉議從六品下通直正

七品上朝請正七品下宣德從七品上朝散從七品下

宣義正八品上給事下徵事從八品上承奉下承務正

九品上儒林下登仕從九品上文林下將仕自四品皆

當上於吏部不上者歲輸資錢

六典吏部郎中凡文武百僚之班序官同先爵

爵同先齒
勳十二轉

司封郎中員外郎掌封命朝會賜予之級

凡爵九等云云舊號曰主爵龍朔二年改曰司封咸亨元

年改主爵垂拱元年改司封

主爵閣立本韓休韋季武司封楊凝柳公權

司勳郎中員外郎掌官吏勳級凡十二轉為上柱國柱

國上護軍護軍上輕車都尉輕車都尉上騎都尉騎都

尉飛騎雲騎尉至一轉武騎尉凡以功授者覆實然後

奏擬戰功則計殺獲之數堅城苦戰功第一者三轉上

陣上獲五轉中獲四轉下獲三轉第二第三等遞降焉

定上陣中陣下陣上獲中獲下獲

杜如晦張九齡
獨孤郁杜牧

考

功郎中員外郎掌文武百官功過善惡之考法四善二

十七最

嚴挺之王仲舒韋處厚王師旦孫述鄭澣李渤裴諝

戶部掌天下土地

人民錢穀之政貢賦之差

民部尚書戴胄顯慶初杜正倫兼度支尚書四年盧承

慶

侍郎李絳崔羣

戶部有二員判使案者謂之左戶選委華重崔羣由此枋任

其屬有四一

戶部二度支三金部四倉部

貞觀二十三年六月三日高宗改民部曰戶部光宅

元年改戶部曰地官天寶十一載改金部曰司金倉部曰司儲

戶部郎中

武儒

員外

郎掌戶口土田賦役貢獻之事以永業口分園宅均其

土田以租庸調斂其物以九等定天下之戶其後以諸

行節官判錢穀而戶部度支官失其職矣 度支郎中

員外郎掌天下租賦歲計所出而支調之 崔仁師第五琦蘇弁李元

絃張 金部郎中員外郎掌庫藏出納權衡度量之數

司珍司金 奕陟為 倉部郎中員外郎掌天下庫儲

出納以義倉常平穀價 畢誠孟簡 李景儉 禮部掌禮儀祭享

貢舉之政 尚書李綱陳達裴行儉 侍 其屬有四一禮

部二祠部三膳部四主客 武德二年改儀曹郎曰禮部郎中司藩郎曰主客郎中龍

朔二年改禮部曰司禮祠部曰司禮膳 禮部郎中員

部曰司膳光宅元年改禮部曰春官

外郎掌禮樂學校圖書祥瑞景雲慶雲為大瑞其名物
六十四白狼赤兔為上瑞其名物三十八蒼烏赤鴈為
中瑞其名物三十有二嘉禾芝草木連理為下瑞其名

物十二大瑞則百官詣闕奉賀餘瑞歲終員外郎以聞

柳宗元李珣
崔澹劉禹錫

祠部郎中員外郎掌祠祀天文漏刻

膳部郎中員外郎掌陵廟牲豆酒膳

李勉杜牧
元稹韋安石杜審

言

主客郎中員外郎掌二王後諸蕃朝見

高郢李安
期郭元振

白居易

兵部掌武選地圖車馬甲械之政

姚崇三為宰
相常兼兵部

屯戍斥候士馬儲械
無不諳記 李絳

其屬四一兵部二職方三駕部四

庫部

龍朔二年改兵部曰司戎職方曰司城駕部曰司輿庫部曰司庫光宅元年改兵部曰夏官天寶十

一載曰武部
駕部曰司駕

兵部郎中一人判帳及武官階 衛府

衆寡一人判簿及軍戎調遣之名數

楊凝裴光庭姚崇
杜正倫張嘉貞

員外郎一人掌貢舉雜請一人判南曹 職方郎中員

外郎掌地圖及四夷歸化之事州縣增廢與版籍偕上

凡藩客至鴻臚訊其國山川風土為圖奏之副上職方

殊俗入朝圖其容狀衣服以聞

李勣鮑防
姚勉韓愈

駕部郎中

員外郎掌輿輦車乘傳驛廐牧之籍凡三十里有驛舉

天下為千六百三十九驛

畢誠崔元亮

庫部郎中員外郎

掌戎器鹵簿儀仗

元日冬至陳設辨其名物而供馬武

庫器仗則兵部長官

莅其修全

刑部掌律令刑法徒

隸按覈讞禁之政

尚書劉祥道顏真卿崔隱甫侍郎韓愈張柬之劉瑒

其屬四

一刑部二都官三

比部四司門

龍朔二年改刑部曰司刑都官曰司僕比部曰

司計司門曰司關天寶十一載改刑

光宅元年改刑部曰秋官部曰司憲比部曰司計

一刑部郎

中員外郎掌律法

案覆凡刑書之法有四律令格式凡

鞠大獄以尚書侍郎與御史中丞大理卿為三司使杜景

宿 舍 馮 都官郎中員外郎掌俘隸韓愈韋貫之鄭谷 比部郎

中員外郎掌賦斂韓愈馮宿杜牧武元衡 司門郎中員外郎掌

門關劉廸白居易 工部掌山澤屯田工匠之事尚書楊師道李太亮

閣立德 其屬四一工部二屯田三虞部四水部武德三年改起

部曰工部龍朔二年曰司平屯田曰司田虞部曰司虞水部曰司川光宅元年改工部曰冬官天寶十一載改

虞部曰 工部郎中員外郎掌城池土木工役蔣係杜甫

屯田郎中員外郎掌天下屯田及京師文武職田諸司

公解田以品給焉 虞部郎中員外郎掌京都衢巷苑

園崔

水部郎中員外郎掌津濟堤堰

姜行本張文瓊
員半千張籍

舊志尚書都省領二十四司凡都省掌舉諸司之綱紀

與百寮之程式以正邦理以宣邦教凡尚書省官每日

一人直宿都司執直簿轉以為次凡內外百寮有事則

直官省之其務繁不在此例 通鑑貞觀二年正月十日

置六司侍郎副六尚書并置左右司郎中各一人會要
侍郎

武德七年二月省貞觀
七年二月十日復置

會要故事除兵吏部外共用

都司印聖歷二年二月九日初備文昌室二十四司印
郎官主之貞元二年正月宰相崔造請尚書省六職令
宰臣分判乃以齊映判兵部李勉判刑部劉滋判吏部
禮部崔造判戶部工部
唐書云崔造請以度
支鹽鐵還尚書省 李庚西
都賦環以文昌二十四署六部提統按分星度 柳仲
郢著尚書二十四司箴

唐門下省 東臺 鸞臺 黃門省

門下省屬

官 詳見三省

志門下省侍中二人掌出納帝命相禮儀凡國家之務

與中書令參總而顯判省事

時謂尚書省為南省門下
中書省為北省亦謂門下

省為左省中書為右
省或通謂之兩省

下之通上其制六一曰奏鈔二曰

奏彈三曰露布四曰議五曰表六曰狀白露布以上乃

審其餘覆奏書制可而授尚書省行幸則負寶以從版

奏中嚴外辨還宮則請降輅解嚴皇帝齋則請就齋室

奠盥洗酌受爵進酒皆左右其儀云云凡官爵廢置刑政

損益授之史官既書復泚其記注職事官六品以上進

擬則審其稱否而進退之

晉志通典見上

武德元年改侍中曰

納言三年

三月庚午

曰侍中龍朔二年

二月四日

改門下省曰東

臺侍中曰左相武后光宅元年曰納言垂拱元年改門

下省曰鸞臺開元元年

十一月一日

曰黃門省侍中曰監天

寶元年曰左相

王珪魏徵宋璟魏元忠張行成為侍中劉文靜陳叔達為納言盧懷慎為

黃門監

門下侍郎二人掌貳侍中之職龍朔二年改黃

門侍郎曰東臺侍郎武后垂拱元年曰鸞臺侍郎天寶

元年曰門下侍郎乾元元年曰黃門侍郎大曆二年一十

月四復舊

溫大雅王珪劉洎褚遂良杜正倫高智周宋璟李又徐堅盧懷慎韓休官品志侍郎功

高者在職一年詔功侍中祭酒與侍郎功高者一人對掌禁令張說丁母憂起復授黃門侍郎累表固辭方許是時風教頗紊多以起復為榮而說固節愬辭識者美之漢黃門侍郎屬少府見漢官左散騎常

侍二人掌規諷過失侍從顧問隋廢貞觀元年復置十

七年為職事官顯慶二年分左右隸門下中書金蟬珥

貂左散騎與侍中為左貂右散騎與中書令右貂謂之

八貂龍朔二年曰侍極左諫議大夫四人掌諫論得

失侍從贊相

太宗因王珪言詔諫官隨中書門下三品官入閣王珪褚遂良魏徵二百餘奏

之展底蘊殷備八十四通之論得失 李景伯真諫
官 柳公權有爭臣風 宋璟陽城顏相時朱子奢武

后垂拱二年魚保宗上書請置匭以受四方之書乃鑄
銅匭四塗以方色列于朝堂青匭曰延恩在東告養人
勸農之事者投之丹匭曰招諫在南論政得失者投之
白匭曰申寃在西陳抑屈者投之黑匭曰通玄在北告
天文祕謀者投之以諫議大夫補缺拾遺一人充知匭
事御史中丞侍御史一人為理匭使其後通為一匭天
寶九載玄宗以匭聲近鬼改理匭使為獻納使至德元

年復舊寶應元年命中書門下擇正直清白官一人知

匭以給事中中書舍人為理匭使建中二年以御史中

丞為理匭使諫議大夫為知匭使投匭者使先驗副本

開成三年知匭使李中敏以為非所以廣聰明而慮幽

枉乃奏罷驗副封武德元年置諫議大夫會要五年六月一日置四

員龍朔二年二月四日曰正諫大夫神龍元年復貞元四年五月十五

日分左右會要同 通典見前 一本云給事中四人

掌侍左右分判省事察弘文館繕寫讎校之課凡百官

奏鈔侍中既審則駁正違失詔勅有不便者塗竄而奏
還謂之塗歸季終奏駁正之目凡大事覆奏小事主而
領之三司詳決失中則裁其輕重發驛遣使則與侍郎
審其事宜六品以下奏擬則校功狀殿最行藝非人白

侍中而更焉

詳見前 給事中之有聲者張行成崔仁師許孟容李藩呂元膺薛存誠崔植丁公

著李遵孔穎達
魏穆質蕭微

左補闕拾遺各六人掌諷諫武后垂拱

元年置左右各二員

左補闕張說呂向韓休許景先薛登崔沔柳渾權德輿崔植裴陴

左拾遺張九齡李邕歸崇敬獨孤及
沈既濟王仲舒元稹白居易狄兼善

起居郎二人掌

錄天子起居法度天子御正殿則郎居左舍人居右有命俯陛以聽退而書之季終以授史官貞觀初以給事中諫議大夫兼知起居注或知起居事每仗下議政事起居郎一人執筆記錄于前史官隨之其後置起居舍人分侍左右秉筆隨宰相入殿若仗在紫宸內閣則夾香案分立殿下直第二螭首和墨濡筆皆即坳處時號螭頭高宗臨朝不決事有所奏唯辭見而已許敬宗李義府為相奏請多畏人知命起居郎舍人對仗承旨仗

下與百官皆出不復聞機務矣長壽中

二年正月戊申

宰相姚

璿建議仗下後宰相一人錄軍國政要為時政記月送

史館然率推美讓善事非其實未幾亦罷而起居郎猶

因制敕稍稍筆削以廣國史之缺起居舍人本記言之

職唯編詔書不及他事開元初

五年九月戊申

復詔史官非供

奉者皆隨仗而入位於起居郎舍人之次及李林甫專

權又廢太和九年

十二月

詔入閣日起居郎舍人具紙筆

立螭頭下復貞觀故事貞觀三年置起居郎廢舍人龍

朔二年曰左右史天授元年亦如之

詳見前 元和十四年起居舍人裴

濬諫用方士疏曰貞觀以來左右起居有褚遂良杜正倫呂何韋述咸能竭忠規諫起居郎吳兢劉昫鄭有

融顧胤于休烈張文瓘以東臺侍郎知左史事李仁實劉允濟典儀二人掌贊唱及

殿中版位之次隋謁者臺有典儀武德五年復置隸門

下省 城門郎四人掌京城皇城宮殿諸門開闔之節

奉管鑰而出納之 符寶郎四人掌天子八寶及國之

符節有事則請於內既事奉而藏之大朝會則奉寶進

于御座行幸則奉以從大事出符則藏其左而班其右

以合中外之契小事則降符函封遣使合而行之武后

延載元年

五月十一日

改曰籍寶郎開元元年

十二月十日

亦曰

籍寶郎

顏揚庭李安期延壽為符璽郎春官典瑞秦符璽令漢符節令

周地官掌節隋開皇中章

雲起為符璽直長

弘文館學士掌詳正圖籍教授生徒朝廷制

度沿革禮儀輕重皆參議焉校書郎二人掌校理典

籍

本名讎校開元七年置校書四人二十三年減二人吳陟

唐中書省

西臺

紫微省

詳見三省

志中書省令二人掌佐天子執大政而總判省事凡王

言之制有七一曰冊書二曰制書三慰勞制書四發敕

五敕旨六論事敕書七敕牒皆宣署審覆然後行焉大

祭祀則相禮親征纂嚴則戒敕百官臨軒則讀策凡制

誥文章獻納以授記事之官

房玄齡郝處俊裴度溫彥博岑文本馬周褚遂良高

季輔張說九齡肅宗以後始以處大將郭子儀李晟韓弘

武德三年

三月十日庚午

改內書

省曰中書省令曰中書令

甲戌封德彛為令

龍朔元年改曰西

臺令曰右相光宅元年曰內史開元元年

十二月庚寅

曰紫

微省令曰紫微令

士寅姚崇兼紫微令

天寶元年曰右相

隋志通典云隋

內史省志與會要云內書不同 一本云因隋為內書
省元年甲戌蕭瑀實威為內史令 一本云龍朔二年
改西臺光宅元年改鳳閣神龍初復舊開元元年改紫
微省五年復舊與志不同當攷 李庾西都賦西則月
華重啟銀臺內向中
書在焉 詳見前

侍郎二人掌貳令之職朝廷之大政參議焉

于志寧岑
文本顏師

古崔沔崔佑甫杜正倫薛元超李元紘來濟郝處俊張
嘉貞韋抗張九齡 會要開元元年十二月一日改紫
微侍郎大曆二年十一月十四日升正三品五年九
月六日紫微侍郎復為中書侍郎志注同 詳見前

舍人六人掌侍進奏參議表章凡詔旨制勅璽書冊命
皆起草進畫既下則書行其禁有四漏洩稽緩違失忘

誤以久次者一人為閤老又一人知制誥顓進畫給食于政事堂其餘分署制敕以六員分押尚書六曹佐丞相判案同署乃奏惟樞密遷授不預姚崇為紫微令奏大事舍人為商量狀與本狀皆下紫微令判二狀之是否則後奏開元初以他官掌詔敕冊命謂之兼知制誥

韓休以工部侍郎

肅宗又以他官知舍人事自兵興政去臺閣

決遣顓出宰相自是舍人不復押六曹之奏會昌末

四年

十一月宰相李德裕建議臺閣常務州縣奏請復以舍人

平處可否 詳見前

會要貞元初舍人缺唯庫部郎中張濛獨知制誥四

年二月以吳通微顧少連吳通玄韋執誼知制誥與

濛五人而六舍人皆缺十八年十月舍人權德輿獨

直禁掖 上言左右掖垣承天子詔命奉行詳覆各有
他司舊制分曹十員以相防檢 德輿居西

掖八年獨
長者數歲長慶二年六月武儒衡以諫議知制誥大

中六年六月選尚書郎為之 先是知制誥
用前行正郎 直中書

郎 張蘊古本文
本魏元忠 舍人 岑文本高季輔馬周李嶠蘇
頊張九齡許景先高仲舒崔

琳李人賈至孫逖崔祐甫常袞楊炎白居易故事
凡軍國大事舍人各執所見雜書其名謂之五花判

事侍郎令省審之給事中黃門侍郎
駁正之貞觀三年始申舊制
知制誥 韓愈韓臯
王仲舒元

撰柳公權 李百藥安期義仲三世制誥
齊澣論駁詰詔皆準古誼大政必咨之

右散騎常侍二人 **右諫議大夫四人**
會要貞元四年五月十五日諫

議分左右加置八員左右各四右諫中書
省元和元年閏六月詔置四員罷左右
右補闕六

人 朱敬則姚南仲歸登熊執易盧景亮丁公著李渤
王仲舒獨孤郁魏蕃韋貫之崔羣鄭絳高元裕

右拾遺六人 陳子昂吳兢嚴挺之盧
從愿韋處厚柳公權 **掌知門下省**
大和三年

三月舒元褒言遺補雖卑
侍臣也中丞雖高法吏也
起居舍人二人 **掌修記言**

之史錄制詰德音如記事之制季終以授國史

邢文偉
崔融為

右史 令狐德棻呂向王仲丘韋述蔣乂
魏謩庾敬休張次宗歸登權德輿為舍人

通事舍人

十六人掌朝見引納殿庭通奏武德四年廢謁者臺改

通事謁者曰舍人

隋有韋雲起 崔端禮張昌齡來濟
孫處約崔行功元行冲陸堅為之

集賢殿書院學士直學士侍讀學士修撰官掌刊緝

圖籍

詳見
院類

校書四人

崔暉范傳
正丁公著

正字二人

柳宗
元

史館修撰四人掌修國史

李延壽兼直國史 貞觀初
鄧世隆與崔仁師慕容善行

劉覲庾安禮敬播為修史學士 修撰則蔣乂仲階柳
冕沈既濟童處厚獨孤郁沈傳師令狐垣張薦韓愈李

輔裴休王彥威直館則柳芳吳兢沈傳師蔣係
歸崇敬史館修撰兼集賢殿校理修國史儀注

唐中書內省

通鑑貞觀元年閏三月壬申命五品以上更直

一作中更宿

書內省數延見問政事得失

唐祕書省 著作局 司文局 四部圖籍

圖書使

志祕書省監一人從三品

夏侯端魏徵預政虞世南顏師古馬懷素賀知章陸堅康

子元崔沔張薦白居易蔣乂

少監二人從四品上

蕭德言顏師古劉知幾康子元張薦

九齡陳京王紹宗蘇源明丞一人從五品上令狐德棻

獨孤郁李嶠同平章事丞一人從五品上武德初為

丞時經籍亡散秘書湮缺請重募天下遺書置吏補錄
不數年圖典畧備魏徵亦為丞魏劉劼薛夏晉嵇

丞為監掌經籍圖書之事領著作局少監為貳

六典注又通周官太史掌六典外史掌四方志三皇

五帝書漢圖籍所在有石渠石室延閣廣內貯之外

府又御史中丞居殿中掌蘭臺圖籍及麒麟天祿二

閣藏之內禁後漢圖籍在東觀桓帝延熹二年始置

秘書監一人屬太常荀悅為之後省魏武帝建安中置秘書

令左右丞郎典尚書奏事文帝黃初中改為監

分秘書立

中書 王象為監撰皇覽初屬少府及王肅為監遂不復屬

晉武併入中書惠永

平元年別置祕書寺掌中外三閣圖書

岑虞荀勗王沉華譚孫盛

為監梁改為省

與上書中書門下集書為五省 任昉為監

後周春官府置

外史下大夫隋與尚書門下內史殿中為五省後改

監為令

牛弘為監

武德初改為監

四年改少令為少監七年省貞觀四年十二月

復置以世南為之太極元年二月加一員以崔琳為之

龍朔二年

二月四日

改省曰蘭臺監曰太史少監曰侍郎丞

曰大夫祕書郎曰蘭臺郎

咸亨復舊

垂拱元年曰麟臺

會要光宅

元年九月五日

太極元年曰祕書省

會要神龍元年二月五日復

祕書郎

三人從六品上

本四員開元二十八年減一

掌四部圖籍以甲乙丙

丁為部皆有三本一曰正二曰副三曰貯凡課寫功程

皆分判

權德輿壁記曰岑虞褚送為之厥後彬彬多文學之士魏晉之際祕書與中書或分或合故

云職近日月宜居三臺之上丞郎之任與南宮相亞

批壽李藩康子元上官儀張籍漢馬融魏劉劭玉基

校書郎十人正九品上

後漢始於東觀置校書郎

馬彪徐廣張協

中後魏祕書省始置校書郎

隋增為四十人唐減焉

孫季良崔羣柳仲郢李建韋貫之裴度元稹徐岱

正字四人正九品下掌讎校典籍刊正文

齊始置陳子

最蕭穎士裴耀卿魏元忠

于休烈劉晏柳玘吳通玄

著作局

武德四年改著作曹曰局龍朔二年

曰司文局郎曰郎中佐郎曰司文郎

郎一人從五品上掌撰碑志祝祭

文與佐郎分判局事

六典注漢以它官兼著作東觀魏太和中置著作郎隸中書省晉元

康二年改為祕書著作後別自名曰著作省而猶隸祕書著作郎謂之大著作陳壽張載孫楚李充謝沈荀

勗以中書監干寶虞預徐廣以散騎常侍孫綽以給事中伏滔以游擊將軍孫盛以祕書監兼領著作王隱

待詔著作單衣介憤朝朔望於著作省宋何承天復魏崔浩梁周捨裴子野以他官領之又有撰史學

士分徐陵以吏部尚書姚察以祕書監領著作姚思廉鄧世隆蕭德言孔至崔沔許敬宗李藩魏知古顧况

劉肅之 鄭虔 佐郎二人從六品上 魏置晉定員八人始到職撰名臣傳一人張華張載

郭璞束皙陳壽王彪孫綽 敬播劉孝孫鄧世隆杜審言劉允濟王義方崔融郎餘令 校書郎正

字二人 任敬為著作局正字

顯慶中置詳正學士 崔行功傳 見書目類 蘇詵為祕書詳正學士 開元

中詔祕書官並號修書學士草定四部 殷踐獻授祕書省學士 陸德

明曹憲朱子奢為祕書學士 貞元二年七月監劉太真請擇儒者

校九經於祕省宰臣錄其課長慶三年四月少監李隨

請鑄祕書閣圖書印 李庾西都賦祕書典籍品命校

郎橫閣三重闈正鉛黃 六典注初漢御史中丞掌蘭
臺祕書圖籍故歷代以祕書與御史為隣

唐祕書內省

會要貞觀二年於中書置祕書內省以修五代史 敬

播傳貞觀初擢進士第時顏師古孔穎達次隋史

即修五代

史 詔詣祕書內省參纂 王珪傳隋開皇十三年詔入

祕書內省讐定羣書 令狐德棻傳武德中為起居舍

人遷祕書丞四年又建言近代無正史梁陳齊文籍猶

可據至周隋事多脫損今耳目尚及史有所馮一易世事皆汨暗無所掇拾陛下受禪于隋隋承周二祖功業多在周今不論次則先烈無所傳焉高祖詔蕭瑀等修隋李文博傳直秘書內省典校羣書

隋大業十一年正月增秘書省官百二十員以學士補之

唐秘書外省

與秘書省通

會要武德元年十一月四日詔皇族子弟功臣子弟於

祕書外省別立小學

又儒學傳選舉志
見學校選舉類

蓋文懿傳高

祖於祕書省置學以教王公子文懿為國子助教既升

席公卿更相質問文懿譬曉密微遠近宗仰 表天

寶十二載十二月戊子左相希烈為祕書省圖書使

馬懷素奏祕書少監盧備崔沔為修圖書副使

唐司天臺 通玄院 靈臺 太史監

渾天監 渾儀監 五官正 司厯

見厯類

志司天臺監一人少監二人丞一人主簿二人主事一

人監掌察天文稽歷數凡日月星辰風雲氣色之異率其屬而占有通玄院以藝學召至京師者居之凡天文圖書器物非其任不得與焉每季錄祥眚送門下中書省紀于起居注歲終上送史館歲頒歷於天下武德四年改太史監曰太史局隸祕書省七年廢置候龍朔二年改太史局曰祕書閣局令曰郎中武后光宅二年會要久視元年五月十九日改太史局曰渾天監不隸麟臺俄改渾儀監七月六日置副監及丞主簿改司辰師曰司辰長安二年

八月二日 復曰太史局廢副監及丞隸麟臺如故改天文

博士曰靈臺郎 後漢太史有靈臺丞 歷博士曰保章正 隋置歷 景

龍二年 六月二日 改太史局曰太史監不隸秘書省復置

丞景雲元年 七月八日 又為局隸秘書省踰月為監 八月

七歲中復為局 十一月二日 二年 閏九月十日 改曰渾儀監開

元二年 二月十一日 復為太史監改令為監置少監十四年

會要十五年正月二十七日 復為局以監為令而廢少監天寶元年

十月三日 太史局復為監自是不隸秘書省乾元元年 三月十九日

日曰司天臺藝術人韓穎等建議改令為監置通玄院

薛顥善天步李淳風明厯算並為太史丞遷為令嚴善思以著佐兼太史令 淳風直太史局鑄黃道儀撰法

象志 春秋夏冬中官正各一人副正各一人掌司四時

各司其方之變異冠加一星珠以應五緯衣從其方色

乾元元年二月三日 司天監韓穎奏請 元日冬至朔朝會及大禮各奏方

事而服以朝見 乾元元年置 五官正及副 五官保章正二人 周保章 氏後周

保章上 士中士 五官監候三人五官司厯二人掌厯法及測景

分至表準五官靈臺郎各一人掌候天文之變五官挈

壺正二人五官司辰八人漏刻博士六人武后長安二

年置挈壺正

周挈壺司寤氏
鷄人凡三職

乾元元年與靈臺郎保章

正司辰皆加五官之名有漏刻生四十人典鍾典鼓三

百人

會要同 隋有天文博士唐初
因之長安二年改為靈臺郎

通典秦漢以來

太史之任蓋併周之太史馮相保章三職

秦燔書天文
星占存而不

毀

會要司天臺內有靈臺以候雲物崇七丈周八十

丈總置官六十員臺在永寧坊乾元元年三月十九日

制曰

舊紀
同

建邦設都必稽玄象分曹列局皆應物宜靈

臺二星主觀察雲物天文正位在太微西南今興慶宮

上帝廷也攷符之所合置靈臺宜令所司量事修理靈

臺舊在祕書省南

天寶十年勅太史監官除朔望朝外非別有公事一切不須入朝

宋朝因梁曰司天監元豐改太史局有天文院鍾鼓測驗渾儀刻漏所

唐殿中省

志殿中省監一人少監二人丞二人監掌天子御服之事其屬有六局曰尚食尚藥尚衣尚乘尚舍尚輦少監

為之貳凡聽朝率屬執繖扇列左右大朝會祭祀則進
爵行幸則侍奉仗內駉乘百司皆納印而藏之大事聽
馬有從行百官之印左右仗廐左曰奔星右曰內騎兩
仗內又有六廐一曰左飛二曰右飛三曰左萬四曰右
萬五曰東南內六曰西南內園苑有官馬坊每歲河隴
羣牧進其良者以供御六閑馬以殿中監及尚乘主之
武后萬歲通天元年置仗內六閑一曰飛龍二曰祥麟
三曰鳳苑四曰鷓鴣五曰吉良六曰六羣亦號六廐以

殿中丞檢校仗內閑廐以中官為內飛龍使聖厯中置
閑廐使以殿中監承恩遇者為之分領殿中太僕之事
而專掌輿輦車馬自是宴游供奉殿中監皆不預開元
初閑廐馬至萬餘疋駱駝巨象皆養焉以馳馬隸閑廐
而尚乘局名存而已閑廐使押五坊以供時狩一曰鷓
坊二曰鶻坊三曰鷓坊四曰鷹坊五曰狗坊侍御尚醫
二人上主事二人武德元年改殿內監曰殿內省龍朔
二年曰中御府監曰大監丞曰大夫又進馬五人尚

食局奉御二人進御必辨時禁周膳夫尚藥局奉御

二人掌和御藥診視侍御醫四人司醫二人尚衣局周

服奉御二人周立德武德中嘗為之掌供冕服几案祭祀則奉鎮

圭於監而進于天子大朝會設案尚舍局周堂奉御

二人掌殿庭祭祀張設大朝會設黼屨施躡席薰爐

尚乘局周巾車奉御二人張萬歲貞觀中為之掌內外閑廐之馬左

右六閑飛黃吉良龍媒駒駉騏驎大苑凡外收歲進良

馬印以三花飛鳳之字飛龍廐日以八馬列宮門之外

號立仗馬仗下乃退

六典凡十二閣分二廡曰祥麟鳳苑

又司廩司庫各

一人 尚輦局奉御二人直長三人尚輦二人掌輿輦

織扇大朝會則陳于庭大祭祀則陳于廟 六典注魏

氏初置殿中監晉宋因之齊有內外殿中監北齊門下

省屬官有殿中監四人隋改為殿內局監大業三年分

門下省尚食尚藥御府殿內等局分太僕府車府驛驄

等署置殿內省又有奉車都尉十二人唐改為殿中省

龍朔二年改曰奉膳奉醫奉冕奉宸奉駕奉輿局 宋

朝以朝官一員判省事至道元年三月詔殿東省以御街東屋三楹為庫貯法物一楹為省局一楹為吏舍崇寧三年二月辛酉建殿中省至靖康元年廢初元豐五年欲復置六尚如唐故事而禁中未有其地七月壬寅詔御輦院不隸省寺令得自達

唐內侍省

志內侍省監一人少監二人內侍四人監掌內侍奉宣制令其屬六局曰掖庭宮闈奚官內僕內府內坊少監

內侍為之侍皇后親蠶則升壇執儀大駕出入為夾引
武德四年改長秋監曰內侍監內承奉曰內常侍內承
直曰內給事龍朔二年改監為省武后垂拱元年曰司
宮臺天寶十三年置內侍監改內侍曰少監尋更置內
侍有高品一千六百九十六人品官白身二千九百三
十二人令史八人書令史十六人隋大業三年改內
侍省為長秋監
宦者傳唐制內侍省宦有內侍四內常侍六內謁者監
內給事各十謁者十二典引十八寺伯寺人各六又有

五局曰掖廷宮闈奚官內僕內府局各有令有丞皆宦
官為之太宗詔內侍省不立三品官

貞觀中
定制

以內侍為

之長階第四不任以事唯門閤守禦廷內掃除稟食而

已

會要唐制內侍省內侍四人內常侍六人內謁者監
六人內給事八人謁者十二人典引十八人內寺伯

二人寺人六人
別有五局同上

李庚西都賦宦者別省延緣右藏建

子亭於弄外設蘭錡於廡下

唐御史臺

記

三院

六察

志御史臺大夫一人中丞二人大夫掌以刑法典章糾

百官之罪惡中丞為之貳其屬有三院一曰臺院侍御

史隸焉二曰殿院殿中侍御史隸焉三曰察院監察御

史隸焉凡寃而無告者三司詰之三司謂御史大夫中

書門下大事裁奏小事專達凡有彈劾御史以白大夫

有制覆囚則與刑部尚書平閱行幸乘輅車為導朝會

則率其屬正百官之班序遞明列於兩觀監察御史專

舉不如法者

大夫杜淹蕭瑀魏元忠宋璟尹思貞李傑
朝隱栖筠王丘鄭覃中丞魏元忠宋璟

裴度盧坦溫造魏謩狄兼謩牛僧孺盧懷慎真奕三
居其官時傳其美李景讓為大夫勅免侍御史高元

裕為中丞言紀綱地官屬須選奏罷監察不稱職者杜
宣猷等開元二十一年十一月大夫崔琳以祕書省

東北地修二
中丞廳事

高宗改治書侍御史為中丞以避帝名龍

朔二年

四月四日

改御史臺曰憲臺大夫曰大司憲中丞曰

司憲大夫武后文明元年改御史臺曰肅政臺光宅元

年

九月甲寅

分左右臺左臺知百司監軍旅右臺察州縣省

風俗尋命左臺兼察州縣兩臺歲再發使八人春曰風

俗秋曰廉察以四十八條察州縣景雲三年

即先天元年以

兩臺望齊糾舉苛察百僚厭其煩乃廢右臺

二月辛酉延和

元年

會要先天二年九月一日即開元元年

復置歲中以尚書省隸左臺

月餘而右臺復廢至德後諸道使府參佐皆以御史為

之謂之外臺會昌初升大夫中丞品以侍御史殿中侍

御史監察御史主留臺務而三院御史亦不常備

文宗時中

丞高元裕謂監院御史隸本臺

侍御史六人掌糾舉百僚大事法冠

朱衣纁裳白紗中單小事常服久次者一人知雜事謂

之雜端殿中監察掌臺內事專決亦號臺端次一人知

公解次一人知彈分京城諸司及諸州為東西次一知

西推贖三司受事號副端次一人知東推理匭等以殿中侍御一人同知東推莅太倉出納第二人同知西推莅左藏出納號四推御史隻日臺院受事隻日殿院受事唐法殿中侍御史遷拜及職事與侍御史鈞開元以降權屬侍御史而殿中兼知庫藏官門內事故事御史臺不受訟有訴可聞者畧其姓名託以風聞其後御史嫉惡者少通狀壅絕開元十四年乃定授事御史一人知其日劾狀題告事人姓名其後宰相以御史權重

建議彈奏先白中丞大夫復通狀中書門下然後得奏

自是御史之任輕矣建中元年以侍御史分掌公廨推

彈自是雜端之任輕矣元和八年命四推御史受事周

而復始罷東西分日之限

通典言侍御史職有四謂推彈公廨雜事知雜事者謂雜

端最為雄劇食坐之南設橫榻謂之南床

六典云職有六曰奏彈三司西推東推贓贖理匭侍御史李素

立柳範王義方徐有功韋仁約温造

隋末廢殿內侍御史義寧元年丞相

府置察非掾二人武德元年改曰殿中侍御史龍朔元

年八置監察御史裏行

王立本為之典云始於馬周

六

武后文明元

年置殿中裏行後亦專以裏行名官長安二年置內供

奉

在正員之外開元十四年崔隱甫奏供奉及裏行並與正員同級

殿中侍御史九

人

六典云六人武德五年置四人貞觀二十三年加員通典云六員

掌殿庭供奉之儀

京畿諸州兵皆隸焉正班列於閣門之外糾離班語不

肅者元日冬至朝會則乘馬具服戴黑豸升殿

晉志魏蘭臺遣

二御史居殿中伺察非法即其始也晉置二人江左二人唐臨張行成崔仁師許景先源乾曜上官儀曰

殿中侍御史赤墀下供奉接武夔龍蓮羽鵷鷺

監察御史十五人掌分察百

寮巡按州縣獄訟軍戎祭祀營作太府出納皆莅焉凡

十道巡按以判官二人為佐務繁則有支使其一察官

人善惡二察戶口流離賦役不均三察農桑不勤四察

妖猾盜賊五察德行孝悌茂材異等六察黠吏豪宗兼

并縱橫

馬周宋璟蘇頌杜暹李勉顏真卿柳渾陸贄韋貫之韓愈陸元方齊澣

初開元中

十六年七月十九日

兼巡傳驛至二十五年

五月

以監察御史

鄭審檢

校兩京館驛大厯十四年

九月

兩京館御史一人知館驛

號館驛使監察御史分察尚書省六司繇下第一人為

始出使亦然興元元年

十月四日

以第一人察吏部禮部兼

監祭使第二人察兵部工部兼館驛使第三人察戶部

刑部歲終議殿最元和中

四年五月

以新人不出使無以觀

能否乃命顓察尚書省號六察官開元十九年

正月二十一日

以監察御史二人蒞太倉左藏庫三院御史皆初領繁

劇外府推事其後以殿中侍御史上一人為監太倉使

第二人為監左藏庫使 會要御史臺

云云與志同

光宅元

年九月五日改左肅政臺更置右臺令地官尚書韋方

質為條例刪定為四十八條以察州縣

李嶠上疏垂拱時諸道巡察使

科條四十有四至別敕令又有三十而使以三月出盡十一月奏事令所察按準漢六條而推廣之則無不包矣烏在多會昌三年十一月二十八日中書門下奏大張事目也

夫秦為上卿漢為副相後為大司空宜升正三品大夫秩崇不常置中丞為憲臺之長升正四品與丞郎出入迭用以重其任殿中侍御史武德五年三月二十二日置四員貞觀二十二年十二月九日大夫李乾祐奏增兩員李文禮張敬一為之監察御史武德初因隋至八員貞觀二年二月九日加兩員以李義琰韋務靜為之監察非因奏事不得

入至殿庭開元七年三月勅隨仗入閣杜易簡御史臺
雜注云監察自永徽後又勅授龍朔中李義甫掌選始
注御史後遂無吏部注者蘇氏曰御史勅授是開元四
年六月十九日勅 通典後漢亦謂之蘭臺寺梁及後

魏北齊或謂之南臺後周曰司憲屬秋官府隋及唐曰

御史臺門北闕取陰殺也

鄴都故事龍朔中置司直
為東官之憲府亦開北門故

御史為風霜之任貞觀末

二十二年

大夫李乾祐奏置東西

二獄開元中

十四年

大夫崔隱甫復奏罷之

藝文志杜

易簡御史臺雜注五卷

高宗時御史記臺中故事通典四卷

韓琬御史臺

記十二卷

開元初監察書目云殿中侍御史韓琬御史臺記十二卷自唐初訖開元五年臺中官

屬凡十有一人皆論建置沿革附以名氏爵里美惡必書敘傳一篇自紀世家并附雜說一十八事韋述

御史臺記十卷李植御史臺故事三卷

唐朝集使述自周迄隋御史故

事併叙漢唐間大夫以下名氏

李華御史大夫壁記曰義寧至先天

登宰相者十二人以本官參政者十三人故相任者四

人開元天寶中至宰輔四人宰輔兼一人

世謂除大夫百日有他官

相者為辱臺蕭至忠曰故事臺中無長官

唐東都留臺

會要東都留臺官七員中丞一侍御史一殿中二監察

三元和十三年三月以中丞崔元畧東都留臺

二年四月盧坦

自後但以侍御史殿中監察共主留臺之務而三院御

史亦不常備焉

盧奕
蔣沈

趙暉東都留臺石柱記曰天垂

象聖人則之故星有執法職有司憲皆鐵冠繡衣直指

不阿俾在位者肅如也天子在鎬庶官分守於是有留

臺上至中司鶚峙都邑高元裕傳故事三司監院官

帶御史者號外臺察風俗舉不法元裕請隸本臺

祥符御史臺

又見宮室

元豐六察

開寶四年邊光範兼判御史臺公事興國四年侯隲權
中丞雍熙三年趙昌言以知制誥正為中丞端拱二年
右諫議王化基權中丞始定班制正衙常叅立中丞磚
位內殿起居立本班咸平五年五月溫仲舒以禮書為
中丞天禧元年右丞趙安仁魚安仁
請給御寶印歷書三院糾彈事祥符七年九月知
雜王隨請兩制撰重修御史臺記 國朝大夫止為兼

官中丞除正官外帶他官次有知雜侍御史又有左右

巡使分糾違失監察使掌祠祭廊下使掌入閣食監香

使掌行香

謂之五使

有四推

臺殿

開寶六年九月馮炳為侍御

史知雜判臺事十月雷德驥分判三院初三院多出外

任興國三年命張巽為監察始正名舉職天禧元年二

月八日

丁丑

始置言事御史

侍御史以下

六員

不兼領職務

其後久

不除慶厯五年正月乙亥以殿中梅摯監察李京並為

言事御史

今中丞聽之南有諫官御史聽蓋御史得兼諫職也唐制御史不專言職

景祐

元年四月二十四日置御史裏行舉三丞歷知縣者為
之從中丞韓億之言也元豐二年李定請復六察十二
月丙午從之以御史專領二年四月二十七日詔六察
官以所糾多寡為殿最中書置簿以時書之五月二日
增置臺主簿一員十一月六日詔御史六員三分察三
言事六年正月二十四日都司置御史房六月乙巳朔
詔六察各置一御史九月二十四日置檢法官八年十
月丁丑詔監察兼言事殿中兼察事用呂公著劉摯之

言也

元豐正名不除大夫檢校官亦除去以中丞為長知雜為侍御史言事為殿中侍御史六察為監察

御史使名悉罷二年十二月六日詔御史臺重修一司教五年六月十四日詔尚書省得彈奏六察失職紹

興元年九月侍御史沈與求請舉行元豐六察舊法乾

道二年三月十五日詔非歷兩任縣令不除監察非任

守臣不除郎官著為令 乾道六年五月二十八日詔

給舍正於未然之前臺諫救於已然之後事雖至微少

有不當隨時奏聞 淳熙四年修御史臺彈奏格一卷

三百五條以六察為門

又有前司一門六察通用一門

刑賞為一時之榮辱而其權在時君名義為萬世之榮辱而其權在清議

祥符修尚書省

祥符四年八月乙巳修尚書省畢命翰林學士晁迥撰

記

四年四月乙丑葺尚書省

天禧四年十一月八日修尚書省龍圖

學士陳堯咨總其事 通畧云太平興國七年十月十

四日壬申幸新尚書省

當政

元豐三省 中書門下兩省 後省

兩朝史志中書門下同平章事為宰相之職上相為昭
文館大學士監修國史其次為集賢院大學士或置三
相則昭文集賢兩學士并監修國史並除參知政事貳
宰相參庶務乾德二年四月以薛居正呂餘慶為之不
押班知印不升政事堂止令就宣徽使廳上視事開寶
六年六月詔於都堂與宰相同議公事親王樞密使留
守節度兼中書令侍中同平章事者謂之使相不預政
事中書在朝堂西是為政事堂其屬有舍人職誥命闕

則以他官知制誥或直舍人院院在中書之西南舍人
六員與學士對掌内外制 神宗史志中書門下在朝
堂西榜曰中書為宰相治事之所又有中書省門下省
者存其名列皇城外中書省但掌冊文覆奏考帳門下
省主乘輿八寶朝會位版流外校考而已中書令侍中
不任職官制行悉釐正之乃廢中書門下省舍之在皇
城外者併朝堂之西中書堂為門下中書兩省以左右
僕射兼門下中書侍郎又以兩侍郎副之 元豐三年

六月二十一日詔罷中書門下省主判官歸省事於中書五年四月癸丑更官制左僕射兼門下侍郎右僕射兼中書侍郎六月五日丙辰詔事不以大小並中書取旨門下覆奏尚書施行三省同得旨更不帶三省字行出輔臣有言中書獨取旨事體太重上曰三省體均中書省揆而議之門下省審而覆之尚書省承而行之有不當自可論奏先是雖倣舊三省之名而莫究分省建官之意乃釐舊中書門下為三各得取旨紛然無統至

是上一言遂定哲宗即位元豐八年

未改元

七月六日左

丞呂公著言唐太宗以三省長官共議國政事無不總
不專治本省事國朝之制便殿奏事止是中書樞密兩
班先帝定官制每省各為一班三省同上進呈者鮮矣
今陛下初聽政責成輔弼執政之臣當一心同力望令
三省執政同上奏稟退就本省各舉官制施行從之初
元豐五年改官制政柄皆歸中書省王珪以左相在門
下拱手不復較故公著為上陳之元祐四年司馬康進

其父遺橐乞合中書門下兩省為一朝廷未遑施行

按光

集蓋與呂公著韓維張璪同具奏

至建炎三年四月始合三省為一

四月

十三日庚申右僕射呂頤浩言被旨參詳元祐中司馬光建請併省奏狀臣等忝酌欲尚書左右僕射同中書

門下平章事門下中書侍郎並為參知政事左右丞並罷從之孝宗乾道八年二月六日_{乙巳}詔曰以僕臣而長百僚朕所不取且丞相者道揆

之任也三省者法守所自出也捨其大而舉其細豈責

實之義乎其改尚書左右僕射同中書門下平章事為

左右丞相

二月辛亥並命虞允文梁克家

三月二十日詔侍中中書尚

書令設而不除可並刪去以左右丞相充其位

孝宗復六察之

彈糾清三

省之煩苛

門下省 神宗史志凡官十有一侍中侍郎左散騎常侍各一人給事中四人左諫議大夫起居郎左司諫左正言各一人國初循唐制以平章事為宰相之職復用兩制以上一員判門下省事其通進銀臺司及門下封駁又離為別司而領於他官至是始釐正焉凡中書密院所被旨尚書省所上皆奏覆審駁之若制詔宣誥下

奏鈔斷案上則給事中讀之侍郎省之侍中審之凡分

房十

侍中以秩高未嘗除用他官兼領而不任其事

門下外省

元豐改官制給事中四人分治六房

舊條門下

封駁事

判後省事鑄印以門下外省為文

元豐四年十月按會要六年

三月十七日壬辰詔後省詳定六曹條貫給事中韓忠彥乞以詳定所為名四月癸亥詔稱中書門下外省先是四年十月二十七日鑄中書舍人印以中書外省為文淳化四年六月戊寅魏庠柴成務同知給事中事制敕不便者準故事封駁咸平四年九月詔封駁用門下省印遂改為兼門下封駁事

中書省 神宗史志凡官十有一令侍郎右散騎常侍

各一人舍人四人右諫議大夫起居舍人右司諫正言
各一人一中書省掌承詔旨及中外取旨之事六后妃封
親王皇子公主拜三師三公侍中中書尚書令則用冊
頒赦降德音命左右僕射儀同三司節度使則用制遷
改官職命詞則用誥非命詞則用勅牒賜中大夫觀察
使以上則用詔布告大號令則用御札賜酺戒百官諭
軍民則用敕榜皆承制畫旨授門下省令宣之侍郎奉
之舍人行之凡分房八

令自建隆以來未嘗除兼
領者謂之使相不與此事

門下中書後省 元豐官制門下中書增建後省以左
散騎常侍左諫議大夫左司諫左正言給事中起居郎
符寶郎為門下後省設案六以右散騎右諫議右司諫
正言中書起居舍人為中書後省設案五八年十月癸
酉倣唐六典置諫官 中興建炎三年七月辛卯詔諫院
別置局不隸兩省又符寶郎並罷其後因舊制置門下
後省以給事中為長官四員為額專主封駁書讀設案
四中書後省以中書舍人為長官六員為額常除二員掌行

誥命設案四又以起居郎舍人專掌修起居注後殿及

崇政延和殿侍立講筵亦入侍

郎隸門下舍人隸中書

隆興初詔

前殿侍立

乾道九年三月二十一日詔進奏院依舊隸門下後省

五房淳化四

年八月堂後官五房置六人一人都提點五人外掌

孔目

吏戶兵禮刑
又有主事房勾銷房印房

開寶六年四月癸丑詔堂

後官參用士人興國元年以京朝官為之

熙寧五年五月增二府胥

史之

熙寧三年九月一日

戊午朔

置檢正五房公事一

人每房各置檢正二人用先王設攷置輔之意紹興二

年三月十五日丁丑復置一員

元豐尚書省

舊制尚書令僕射丞左右司郎中員外郎主都省事國朝以諸司三品以上官或學士一員權判凡尚書諸司悉他官主判省舊在興國坊太平興國中移於利仁坊祥符四年八月重修晁迥撰記天禧四年十一月八日復修元豐五年四月二十六日詔尚書省寓治舊三司五月朔詔左右僕射丞合治省事六年十一月十九日

庚申幸尚書省駐輦令廳上顧執政曰新省宏壯與官制

相稱次至僕射廳上

原闕

且率勵官屬勉修職事

既又召尚書侍郎以下隨其曹問以職事尚書省即

殿前司解舍地為之自令僕廳事下至吏舍為屋四千

楹有竒

四千三十一間
僕丞分左右六曹列於後
令廳在中

以五年五月癸巳

即工六年十月庚子乃成榜曰文昌府上稽古董正治

官既復尚書二十四司職掌初作新省規摹區處皆出

制旨裁定

上自為
圖授之

又以舊中書東西廳為門下中書省

都堂為三省都堂徙建樞密院於中書省之西以故樞
密宣徽學士院地為中書門下後省列左右常侍至正
言廳事直兩省之後都承旨司直樞密院之後由是佐

著官儀煥然一新矣

先是熙寧三年九月癸丑作東府
以居執政官 崇寧三年六月庚

午改修尚書省從家安國之
請也政和四年五月五日幸

尚書省 神宗史志官凡九人令左右僕射丞左右司

郎中員外郎各一人掌行天子之命令及受付中外之
事及分房十令國朝以來未嘗除惟親王元佐元儼以

使相兼領不與政僕射為宰相之任左右丞貳之

元豐祕書省 紹興祕書省 右文殿 祕閣

見閣類

國朝祕書省判省事一人以判祕閣官兼惟掌常祭祀
版凡圖籍悉歸祕閣元豐五年初以崇文院為祕書省

以王益
柔為監

職官志祕書省監掌圖籍國史天文厯數之

事

祥符三年六月癸亥以尚
書右丞向敏中兼祕書監

少監為之貳而丞參預之

其屬有五修時政記起居注修纂日厯祭祀祝辭則著

作郎佐郎主之刊寫分貯集賢院史館昭文館祕閣圖書則祕書郎主之編校正誤則校書郎正字主之各以其職隸於長貳惟日厯非編修官不預

元豐十一月己亥詔

分案

四太史局隸焉 政和五年四月八日丁未幸省庚戌

改集賢修撰為右文殿修撰八月十二日詔以祕書省地為明堂遷祕書省於新左藏庫宣和二年九月新省成十二月詔王安中撰記四年三月辛酉幸省御右文殿觀書及古器 紹興元年二月十九日丙戌詔復置

祕書省

寓法惠寺

十三年十二月十一日重建

是年以殿司寨為省中有

殿曰右文政和中亦有之

十四年五月御書祕閣右文殿牌七月丙

子

二十七日

幸省淳熙五年九月壬申幸省

十二日

嘉定六年

六月重修紹定四年十一月重建

紹興元年五月初復故事召試五年八月甲辰倣唐十

八學士之制以十八人為額己巳命著作郎佐祕書郎

各二人校書郎正字通十二人少丞不與焉又移史館

於省之側別為一所九年修徽宗實錄即史館開實錄

院分案有四又參酌舊制校書正字召試學士院而後

命之

中興至紹定宰相
由此選十四人

淳熙二年三月初除莫濟為監

祕書監

至道宋白淳化李至兼咸平楊徽之景德畢士
安祥符向敏中兼九年楊億以監判祕閣元豐

初除龍圖學士王

益柔又除趙彥若

紹興提舉祕書省

麟臺故事舊有提舉官政和七年五月辛卯置

即近古
修圖書

使之

一員以從臣充紹興十四年七月十三日壬戌詔

復置以禮部侍郎秦熈兼掌求遺書十五年閏十一月

置編定書籍官二十六年十月十四日壬午併歸省二十七年二月十六日壬子復命孟忠厚提舉尋廢淳祐十一年十一月復命趙以夫寶祐二年九月尤靖又

提舉太史局紹熙五年閏十月十九日以命薛叔似蓋祖宗時有提舉司天監如司馬光錢彥遠沈括王安禮

輩皆為之

太史局五官舊止於五官正孝宗時始增春夏秋冬中官五官大夫

後魏馮

熙為太師領祕書事唐開元十年張說都知麗正殿修書事祕書監徐堅為副天寶十二載左相為祕


書省圖書使 祥符八年十二月甲辰樞密使 原闕

大提點寫校館閣書籍其後命參政提舉 原闕

寫校書籍慶厯元年宋庠二年王舉正四 原闕

仲

淹嘉祐七年三月歐陽修



玉海卷一百二十一